



Steingood getapdje



'88

Mèt ei  
flink stök inne kraag



36<sup>e</sup>  
jaorgank.

Vanne redaksie,

Roedre en moedersinne,

Mèt groeët verdriest gaeve vas kinnes van het  
feit dat oos gelejere dit jaor duchtig verzwaaktj  
zeen. Dit kauntj doordet Earien van Huyakes,  
waat de aafgeloupe jaore de groeëte  
varantjvoordelike is gevaest) veur de reklame-  
boesdelappe en tasheninge same veurkantj),  
geine tied mier haaj om nog same Kwakel te  
keone vijke. Dooveur wille vas dich euch names  
de hieël redaksie bedanke.

Ouch Tieu van Classen, dae anger jaore altied  
gebrögd) heet veur ein zwik verhaole, höbbe  
vas dit jaor mette minse. Hopelik weer toet  
volgend) jaor, Tieu.

gelukkig höbbe vas oos gelejere euch duchtig  
keone versterke mèt sine noewe kraker. Het is  
oos gelickt) Mia van Glabbeek te kontraktere.  
Det was drak te merke, want Mia heet ein groeët  
gedaeltje vanne verhaole oetgewirkt).

Mia, welkom innel tied.

Det betakentj dat het soetie waat zich redaksie  
nuut) nos bestelt oet de volgendje minse:

Mia van Glabbeek (name mèt ziene Brother)

Christ Driessen

Jos Janssen

Cleo Janssen

Wiel Niens

Jan Deckers



P.Ssst. Wae höbbe oos krômpe gelache  
mëtte lômpe streek diej de minse  
aafgeloupe jaor weer oetgehooldj  
höbbe.

Hopelik kintj gae det zelf auch,  
det is in eur eige veurdeil!

Wae winse uch veul veurdeil,  
want het is in eur naodeil asj  
gae neet in deze Kwakel staotj.  
Det beteikentj namelijk det gae  
niks höbtj gedaon en det is toch  
auch neet good!!!



Ein Vorstelik weurdje.

Moeërebuuk,

Nao ein sjoeën carnevalssesoon 1987, zitte wae sjuust veur Carnaval 1988. Nog effe trökkiekendj, motte wae Prins Wim II en Prinses Marjo van herte bedanke veur heure geweljige inzèt. Daobie) seen Wim en Marjo vanplan om heur krachte veur oos vereininging te blieve inzèt. Formidabel!

In 1988 hōbbe wae eine tamelik jonge Prins, Prinses en Adjudant. Daonaeve is Thijs van Sentjens as noew lid, bie) de Raod van 11 gekomme. Wae zeen erg bliej det nao Erik, kleinzoon vanne "oprichter" van oos vereininging, noe auch eine kleinzoon van Bair van Creemers, lid vanne iēste Raod van 11, de tradisie) geit vroetzèt.

Wae winse heur veul plezeer toe in heur noew funcsie)s en wae wille alle vasselaovendjsveerders van Ell om juust dees jong minse steun te gaeve bie het organisere en oetveure van oos aktiviteite. Ederein 'n gewel)ig fieēst toegewinsjtj!



Vorst Jan



Ein weurtje van ôze aoje Prins.

Bēste Moeërebuuk en Moeëerinne,

Mèt pien in oos hert hōbbe wae aafs)ied genōmme as Prins en Prinses-Carnaval 1987.

Asse den kiekst nao zoeē ei vasselaoves-gebeure, den zuuste det hieēl get minse daoveur in touw zeen. Wae wille den auch allemaol die) minse die) zich in 1987 veur de vasselaovendj hōbbe ingezatte, van herte bedanke.

Het is veur oos eine onvergaetelike tied gewaestj. Wae hope detj gae uch auch dit jaor weer veur de vasselaovendj in zultj zètten en det gae Prins Pietje en Prinses Christian, net zonne onvergaetelike tied zultj bezōrge.

Wae winse het noew Prinsepaar veul sterkdje, sukses en plezeer toe, en hope det 1988 weer ein good Carnavalsjaor zal waere.

Tot slot nog dit: " HAODJ DE CARNAVAL IN STANDJ,  
VEERDJ MER WEER 3 DAAG FIEEST  
IN HET MOEËRELANDJ."

(Den keumtj alles waal good.)  
Nogmaals: Van herte bedanktj!!



Prins Wim 2

en

Prinses Marjo.

PROKLAMASIE.

Bèste Moeërebuuk,

Ich, Prins Pietje 2, 37ste Prins vannet Moeërelandj van Ell, proklameer hiebiej het volgendje:

1. Det ich de vastelaovendj allein neet kan make. Gae môtj allemaol mètdoon.
2. Det ich zal prebere eine goje Prins veur uch te zien.
3. Detj gae allemaol zoeë gek meugelik môtj doen en ich mèt miene raod zulle prebere het veurbieëldj te gaeve.
4. Det wae mèt dees daag gein nôtte gezichte wille zien.
5. Det wae ederein dae nôt kiekjt boete laote betale.
6. Det wae der allemaol zoeëveul moge dreenke as wae der op kinne.
7. Maedjes van Ell, laotj mich en miene Raod neet staon of zitte, mer dansj mèt ôs.
8. Det ich de pliesiej mèt dees daag vriej zal gaeve, want sloete hôte ze neet, wae gaon vaneiges heives as de cente op zien.
9. Det ze der mich oppe bôntje aovendj neet te zieër door riete. Ein bietje maag.
10. Det alle buuërte weer mèt motte doen aanne optocht zoeëdet dae weer net zoeë good weurdj as dae vant veurig jaor.

11. Det de jaagt oppe katers pas ope is van nao het hieëringsjelle toet sangerdaags smörges.


Den sloet ich noe aaf mèt mien motto:

MÈT PIETJE VEUROP

ZÈTTE WAE ALLES

DRIE DAAG GOOD OP ZIENE KOP!

!!!!!!



Ein weurdje van ôze eige jeugdprins.

Moeëre en Moeërinnekes,

Ich vinj het hieël leuk  
detj gae mich gesteundj höbtj  
mèt beveurbieëldj, Prinsebal.  
Ich hoop detj gae de volgendje  
fieëste mich enne groeëte Prins  
zultj steune.  
Alles tot noe toe is good gegange  
en dao bin ich bliej om.

Jeugdprins Roy 1  
en  
Jeugdprinses Kim.



In de orde van de valse noeët!  
(Gesjreve en geteikendj door Prins Roy 1)

Ein gouwe horloozje.



Jantje veerdje `t kopere jubelejum bieje `n  
bedrief in Rooj. Op det bedrief zelf doon ze  
dao noew neet zoeë veul aan.  
Daorum wore ze `t der bieje Nol aanne teek  
ouch euver ins, det ze Jantje mer get moste  
aanbeje. Oppe merntj waerdje ein horloozje  
gekocht, die bloonk wieje eine spiegel.  
De zoots der knap verblindj door waere.  
`T waas ein prachtig sjoeën stök en veur de  
pries haje ze `t neet hove te laote.  
Jantje, ouch neet misselik, lutj in det  
kedoow de naam enne datum gravere.  
Op zie wirk lutj hae op eine daag kwasiej  
onopzèttelik det oorwirk zeen.  
Noew wore der ein paar kollégaas bieje dieje  
kort teveure ouch al gejubeleerdj haje, mer  
dieje toch noeët ein horloozje haje gatj.  
Jantje heel, wies wieje der is, ziene mōndj  
om te zègge detter det deenk van zien  
zoepkompane haaj. Toen wore der toch ein paar  
wirkluuj fleenk euver getroje, en dieje op  
hoeëg puuëj nao de direksiej. Dieje wiste  
neteurlik ouch nörges van. Jantje heet later  
good mōtte kalle om det misverstandj oete  
werldj te kriege, zeker met dae Italjaan dae  
maendje detter gediskrimineerdj waerdje!!!!....



nog neet gedèktj  
tege alle risico's?  
Knape verzekeringe  
wètj wal rood..



Is eure auto eine  
groëte zoeplap?  
garage Hemels heet  
eine gooië tap.

Waas eure fiets neet  
verzekerdj?

Goatj den ins kieke  
biej Albér.  
(unne angere Knape.)



cefeej-bar "Quasi-Modo"  
ôze noewe.

bliëftj ope tot hae  
tege sloetestied de  
klokke geit loewe.

Kostbaar gebak!


Noew der de laeste tied zoeveul weurdj  
ingebroke in Ell, veule de minse zich neet mier  
veilig, en zeker de middestandj. Ein van diej  
middestenjers haaj de daag veur kerst nog good  
verkocht. Wiejet aovend waas zotter mèt ein  
portemeneej vol meuntjegeldj. De briefkes  
haajder al inne nachtkluus zitte. Heur dochter,  
diej nogal klevver is, dacht, ich lègk diej  
portemeneej zoelang inne ôve  
vannet gaasfernuuës. Omdat het  
getrouwdj waas môsset ouch  
weer op hoes aan richting Rooj,  
mer waas vergaete te zègge det `t  
de portemeneej inne ôve haaj  
gelagt. Zoeë wiej `t ein gooj  
femiëliej betaamdj, ginge ze nao de nachtmès.  
Wiej ze dao-oet trök kwome waerdje de ôve  
aangestoke om de worstebruuëdjes werrem te  
make. De stank dae oppendoor oete keuke kwaam  
waerdje alsmer erger. Toch mer de deur vanne  
ôve opegetrocht, om ins te kieke of diej  
bruuëdjes ouch waal good wore. Wat ze zoge  
waas ein vèttige zwarte massa, en dao tösse-in  
bloonk `t. De portemeneej haaj de hitst neet  
verdraë. Aevegood getruuëstj, want eine  
geldjklômp is nog altied baetter asset geldj  
geklaurdj.....



De brevebös trèktj.

Sjang haaj ein brevebös diej duchtig trocht inne weentjer en det waas der oppendoor kotsmeug. Eder jaor waas det ut zelfdje leedje. Den most mèt eine houp gezette en aoj lep det gaat toew gestoptj waere en ein kist bie de veurdeur gezatte waere veur de post enne gezèt. Oppendoor zeet Sjang tège Laen:

"Aafgeloupe oet, ich metsel det deenk dicht." Zoeë gezagt, zoeë gedaon. Der waerdje eine ummer spies gemaaktj, de troefel gepaktj en Sjang begost te metsele. Of jê, gae kosj zeen aanne spies enne troefel det ut metsele mos veurstèlle. Sjang sjoot al lekker op. Hae kreeg der zoeën gooj zin van detter ein leedje begost te fluite. De buurman keumtjer ins bie staon, bekiectj ut geklieder ins, en vreugtj aan Sjang: "Is Lewieke soms zeek?" "Wiej zoeë zeek?" vreugtj Sjang, "ich kân gaod zelf zon klein spleetje dicht metsele."



"Jê, jê," zeet Sjaek, "ich verwonjerdje mich al, woerom Lewieke neet zelf zien brevebös dichtmetseldj!" "Wiejzoeë," zeet Sjang verbaasdj, "dit is mien eige bös."

"Ich zoøj toch det gaat mer weer ope make as

ich dich waas, veurdet ut hieëlemaol hel is anges bin ich bang desse toch probleme kries mèt Lewieke," zegt Sjaek.


Wiej der ins tegooj gekeke haaj is Sjang toch mer begonne mèt ut leeghole vanne brevebös, mer noew mèt eine houp gegrauwel inne plaats van fluite.....

Nao ope keumtj toe.



De noewe kastelein van Kwasiemodoow (ouch waal builtj genumdj), maakdje het al drek spannendj om ouch mer inne kwakel te komme. Hae haaj de sleutel kwaolik omgedraedj of de knip ging alweer oppe deur. (Mer good ouch, anges haje wae neet gewete wat wae van hum moste sjrieve.)

Wisdjer al:



**Pas op - de keu van Sars**

- det: Sars good kintj vrieje in eine hook.
- det: hae ouch good kintj tijgere onger de biljaar.
- det: der den mèt eine keu op alle Tamils en Surinamers sjootj.
- det: wae niks euver det kruus sjrieve!!

## Televisiesores in Pruüeses.

In ut naojaor ginge ein paar ellder minse mèt twee oet Ittervoort, veur ein paar dage op vekansie nao Duitslandj. Ze haaje zich dao ein huske geheurdj. Noew waas det neet drek zoeë deur gewaestj, want Lenie heet conneksies mèt de verheurders. Het waas ein huske mèt alles der op en der aan. Ze haaje zelfs televisiej. Det kwaam good oet want Lenie is eine fan van Henny Huisman, en kiekjt hieël gaer nao de minipleej-beksjow. Toen ze frijdes-saoves dao aankwome, waerdje drek ut toestel aangezatte



en nao den ieëste hollenjer gezocht. Groeëte pech, allein mer duitse zenders. Lenie waerdje langzaam giftiger en zagt oppendoor gans euvertuugdj van zichzelf: "As wae de vollegendje kier weer ins hiej komme, bringe wae oos eige toestel mèt, den waete wae zeker det wae de hollenjers doorkrieage !!!..... (Zoeë hōbbe wae ouch gehuërdj ,det der ein vrouw waas, diej maendje det asse ein groeët-bieëldjtoestel haaj, ze de minse hieëlemaol kos zeen inplaats van allein de bovekantj).

alles der op en der aan. Ze haaje zelfs televisiej. Det kwaam good oet want Lenie is eine fan van Henny Huisman, en kiekjt hieël gaer nao de minipleej-beksjow. Toen ze frijdes-saoves dao aankwome, waerdje drek ut toestel aangezatte




Plezeer veur  
groët en klein  
mèt ôze  
amusements-  
specialist

"Clown Kepper"

de zale-accommedatie van

Nol en Ietje,  
veur eine gezellige  
pot beer, ein fieëst  
of vergadering.



veur ein good  
advies en get  
lekkers,  
goatj den  
gaww noa.  
DECKERS!



Van sjôkkelatemelk en tillevisiekieke.



Det het hieël verkieërdj is om 's aoves laat nog koffie te drinke veur desse nao béd geist det is algemeen bekindj. Wilse good slaope, den isset veul verstenjiger ôm ein kôm cacao te drinke tösse de tillevisieprogramma's door. Oppe straot die hêtj nao de kirkpetroeën woor Ron Brandsteder bekeke, mer toen de cacao oppe taofel kwaam veel ein tas ôm en juist midde op det dink desse gebroekst veur op aafstandj dae kiek-kast te bedeene.

Op slaag deej de T.V. het neet mieë en de sjoeënzoon dae vakman is op det soort apperate woor derbiej gehoordj. Dae haaj thoes nog zoeë ein dink ligke en det staak der zich inne tés. Toen der de cacao vanaaf gewasse waas, woor het mèt ein haorfeun good gedruuëgdj.

Toen deej der het weer aeve good as ieërder.

De sjoeënzoon bleef nog get zitte en kreeg veur de gooj hulp ein fles beer en.... good geraoje: ein groeëte tas cacaomelk.

Toen de oetzenjing op zien hoeëgste puntj waas staak de sjoeënzoon zien handj inne tes en leet det dink van hum het programma bepaole.

Den eigenier vanne T.V. woor waal erg kwaad en wildje oppe zölder dae aoje zwart-wit gaon hole. Het bezeug gông heives want die woeëje dae aovendj ins vreug nao béd, woeëveur weit ich auch neet..... 's Angerdaags zagt

Sjang tege ziene sjoeënzoon zoeë: "Toen detj gae gisteraovendj weg woortj is der het good blieve doon!!!"

Det danktj mich de koekoek, dacht de behulpzame sjoeënzoon.....



Wisdjer al:

-det: de sjötteriej noe definitief "De Prairiej" as clublokaal heet gekoze, ze wore det verhoeze ôngerhandj meug...


-det: kwaaziemoodo behalve ein café auch get te make heet mèt klokke loewe in Peries, mer detter auch nog eine Italjaanse dichter is dae salvatore hêtj en zich auch Quasi-modo lieëtj sjriev. Het is ins get anges as Palme, Bôkkeriegers en Bêlkes.

-det: nao de woeëmes oeëts nog hieël lang gebiljaardj weurtj bie Nol en Ietje.

-det: de werktuigevereiniging eine kraan geit koupe ôm gezaegde eikebuim aaf te laje.

-det: meister Moeëne ei neteuurrezervaat heet achter zien hoes.

-det: het jaor 1987 ei good jaor waas veur alle minse die het hert aanne linkse kantj hóbbe.



## Ongelökkige buurt.

Inne buurt de "Pannestert" höbbe ze de lèste maonje wèdstried gehaoje van wages inein rieje. Zoewiej Harry onger angere. Hae is te zieër het trakterrieje gewindj.

Rob van Strouss prebeerdje mètte wage euver ein meurke te springe. Det lökdje hum, wat daonao aanne wage te zeen waas.

Ouch ôze aoje Prins. hae kocht zich eine noewe wage en woeëj wete of dae wage ouch wal get kost höbbe.

Eric van Thei vindj smaonjes eine sjoeëne daag om de wage inein te rieje. Hae haaj sunjes warsjienlik get teveul gatj.

Jos van Sjeng deej het de daag derrop, op deesdig (de wage inein rieje neteurlik, wat anges).

Dezelfdje waek op donderdig waas Gert van Jan het meug inne B.M.W. en mook der eine Golf van. Toen dacht Jos van Sjeng: "Ich laot mich neet kinne." Hae liendje de wage van Sjeng en leet Friedes nog snel effe eine vrachtwage inne kattedak vanne wage parkere.

Sjeng zagt later nog: "Det is tiepies oos Jos, altied alles baeter kinne as angere."

Twie waeke later heet Harry vanne graasj dit recor weer gebroke. Smaonjes (toch eine daag det we oet motte gaon kieke) Lietj hae zich



de beizje Golf inein rieje door eine klantj en stinzes lietjer emes inne ziejkantj van ziene Simca rieje. Hae barzdje op det mement nog vanna sjaajwages vanne buurt. (ofter nog neet genôg te daon haaj)

Het absolute interbuurtlokaal rekor op dit gebied steit ongebroke op naam van Peter van Giene, wiej wae gehuuërdj höbbe.

Hae sjientj op ein jaor tied 4 dikke B.M.W.'s total los gereje te höbbe.

Bie de ieëste deenkse nog aan gewuuën ein ongelök.

bie de twiedje, detter groeëte pech heet of detter neet kintj rieje.

Bie de dërdje deenkse detter aandaale heet van de B.M.W.-febrieke. en bie de veerdje sjriefse het inne kwakel.




Wisdjer al:

-det: de noewe Prins alweer oet de buurt "de Pannestert" keumtj.

-det: wae noe ongertösse wal wete wat de naam "Pannestert" beteikentj.

-det: dao veul minse woeëne die ein pan los höbbe.


-det: de Prins volges Nol versjillendje panne los heet.



DET ÔZE TUMMERMAN  
zoeë good waas  
WIEL  
BEURSKENS

WIRK op 't landj  
of inne grôndj

nao HARRY  
(auch veur  
beklinkering)



VEUR VEUL geluid  
en good leecht  
nao Hub

asdjerdienktj:  
"Det hÛbbe ze neet"  
goatj den toch mer  
effe noa

Jan en Mia Govaerts.



Prinseverkezing.

In veurgaondje jaore waasset de taak van Harrie, Lewieke enne aoje prins om eine noewe prins te vinje. 'T waas den ouch edere kier zoeë det Jan van Verstappe dao neet tegooj van waerdje as hae mÛs wachte tot aannet prinsebal, om drachter te komme weem of det noew weer prins waas gewore. Biej de raad zote ze dao toch wal ein bietje mêt, want aan eine Jan dae tot aan dae daag neet veur hongerd persent funksjoneerdje, dao haje ze ouch niks aan. Harrie trocht zich toen mer trÛk en Jan kwaam innet prinsekommitee. Det waas toch wal ein gooj keus, nao 't sjeen, want Jan haaj al nao ein waek eine noewe prins gevonje.

Det wiltj toch wat zÛgge, want anger jaore mÛste ze altied waeke op paad! Laot mich noew Jan des kwestiej zoeë good as allein geregeldj hÛbbe. Want wiej Lewieke aan Jan vroeg wannergaon wae ins<sup>veur</sup> eine prins op stap, toen wist Jan al te vertÛlle detter der al eine haaj, en det veel toen neet in zon gooj aerd.

'T is dus gewuën ein wisselwirting gewore. Ieëst waasset Jan, en noew 't baasje watter neet tegooj van weurdj!!!.....



## De reislijdster.

Annelies en Wiel ginge ins nao ein cefeej in Baoxem, want dao zoj ein hieël good orkest zitte. Noew wore diej muziekante tevallig minse woeë ze eder jaor mèt oppe cemping loge. Omdat `t hollenjers wore, bleve ze mer veur de gojekoup bieje Annelies en Wiel slaope. Ze wore toch mer mèt `n man of 15. Biej Wiel môt det kinne, zeker nog in `87 ! Wiej ze snachs op hoeës aan môste, ging Wiel alvast get ieëre vroet om thoes koffiej te zette. Annelies zoj den mètte gaste naokomme diej verdaeldj zote in 5 wages. Annelies zoot neteurlik inne ieëste wage want ze wist as ènnigste de weeg van Baoxem nao Ell. Mer asse de nuuëdige potte beer op hõbs, den is det richtingsgeveul ouch neet alles mier. Wiej ze eigelik linksaaf haje gemõtte, leet Annelies ze doorkachele richting Wieërt. Nao ein rëndjrit door Wieërt ging `t via `t tunnelke op Rooj aan. Haje ze dao oppendoor mer rechdoor aangehaoje, den wore ze toch nog rejelik op tied op Ell aan gereje.



## verkieerdj | good

Dao waas der eine bieje dae al ins gezagtj haaj detter `t erreg ver vônj, mer Annelies wist zeker det ze good zote. Nae, ze môste noew weer örges leenks wist ze te vertelle. Wiej ze oppendoor via Altwieërtheij midde in Tungelder terecht kwome, bekindje Annelies toch mer det ze noe de weeg kwieët waas. De sjefeur is toen mer de weegwizers gaon volge en ôngerhalf oor nao Wiel wore ze den toch oppe Antoniusstraat belandj. Den kan aoje koffie aevegood lekker zeen.....

Wisdjer al:

- det: Mia door de grôndj geit as `t eine kerstboum geit hole!!!
- det: Nol noew ein zale-accommedasiej heet veur groepe van 10 tot 600 persoeëne.
- det: asse dao drank wils bestelle, se allein mer oppe bel hõfs te duje.
- det: `t good ein keteer kintj dore veur Nol wëtj op welke bel der geduujdj is.
- det: wae ouch oeëts bieje Nol vergadere!




Gezaktj mèt parkere.

Pièrre, eine kastelein oet Wieërt, dae al sinds ettelike jaore in Ell woeëntj, heet zich in zon huuske aan de Kunnebeemd genesteldj.


Hae heet naeve 't hoeës ouch ein oprit en vonj gewuuën plevuuze mer niks. Hae zoog lever ein oprit mèt kezele en begôst dus driftig te spaje. De aerd waerdje aafgeveurdj en versjillendje wagen kezele inne oprit gestruiddj.

Ieëst waerdje alles nog ins sjoeën opgegreeseldj, en de auto kôst zoeë oppe noew oprit geparkeerdj waere. Pièrre kwaam mèt ein gooj vaart aangesjeurdj en zat ziene auto oppe oprit. De auto zakdje drek inné kezele wêg en wiej heller Pièrre gaas goof wiej deper der wêgzakdje. Wiej der einmaol zoeë deep waas gezakdj, det de deure neet mieër ope kôste, snapdje hae wal detter der zoeë neet oet zoj komme. Toen heet der zich mer eine trakter opgesjarreldj, dae hum der oet getrokke heet. In Peries-Dakaar zeen we Pièrre veurluipig nog neet.....



ein mikske,  
bruëdje of  
gebekske,  
gezoondj en lekker  
van oze eige  
WERME BEKKER!

de taxi veur  
eur vieë,  
laotj ze rieje  
door Wiel Geenen



te krap, te groeët,  
te wied of veur  
ein noew Pekske  
modjer bij  
"DE SJRUËR" zeen.

## Eine sopjaap.



Nol en Idie wore mèt vekansiej. Pietje môs de cefeej runne en det ging hieël good, dao neet van. Mer smaondjes saoves waas `t der tamelik drök en Tante Nel kwoom Pietje helpe. De rundjes kwome der euver en weer. Mia van Sjeng waerdje de apfelkorns toch wal get teveul en bestêldje zich ein teske sop. Sjienbaar haaj Nel van sop make weinig kieës gegaete en ging veur de zekerheid effe nao Wim van Kessels om de sop te laote keure. Het sjientj det Wim eine regelmaotige aafnummer is van dae boeljon. Volges Wim waas de sop diej Nel gebrouwe haaj toch wal ein bietje aan de slappe kantj. `t bêste waas, eine noewe te make en den get sterker, goof der as advies en laot deze mer hiej staon, den dreenk ich dae zoeë wal oet. Dae Wim, hae steit altied klaor veur angere. Noew hōbbe wae huuëre smiespele, det de maggi-febrieke mèt Wim aan `t ongerhanjele zeen om bieje heur ieëste fienpreuver te waere. Mer aster den toch zonne goje smaak heet veur aete en dreenke, mōtter ins mèt Joske gaon kalle veur euvername vanne frietkraom. den is der geliek zelfstenjige en hae kintjer edere daag ein fieëst van make, songer detter oet hōftj te kieke mèt euverstaeke.....

## Boewvakkersleid.

Det Sjang zich neet hōftj te sjame bliektj waal, want ouch echte boewvakkers kinne zich danig vergrabbele. Pak noew Stiene Baer, eine vakman tot en mèt, of neet soms ? Daezelfdje Baer is ōrges bezig mèt ein verboewing. Diej minse haaje ein graasj diej veul te groeët waas. Ze dachte, laote wae Baer dao mer gedaeltjeluk ein kamer van make. "Gein probleem," zag Baer, "det heb ich zoeë gefiksjtj". Hae begintj te slope, te metsele, der waere stiele gezatte, gae wètj waal wiej det geit. Den tummerman hōftj de deur mer komme in te hange en alles is klaor. Dao ging Baer teminste van oet. Laot mich noew ouch dao ins zonne belangstêllendje buurman komme kieke, net wiej Baer mèt ut laeste bezig waas. "Chossiej maene," zeet Tjeu gans verwonjerendj, "det hōbse sjoeën gedaon Baer," mer drek der op vreugtj hae mèt eine ingehaoje lach: "Wiej haatse gadacht om dae compreser dae noew nog inne kamer steit, nao boete te kriege?" Toen is Baer mer weer begost mèt de raam te slope terwiel de ein krachtterm nao de anger religieus vertaaldj waerdje.....




## Biljaarprobleme.

Biej de prairie weurdj op vandaag driftig gebiljaardj. Ze speule zelfs mèt 3 tiems inne competisie vanne Wieërter boondj.

Laot noew ut derdje tiem ut baeste speule. Wat ein waer mèt manne wiej Nol, Piet, Tjeu en Hubke. Ze speuldje de sterre vanne hemel en wore oppe ranglieëst al gestege tot de twieëdje plaats.

Ze waandje zich al kampioen en haje al prieze opgevraagdj wat ein receptie zoj gaon koste. Mer toen ze zoeget oppe helft vanne competisie wore, waerdje de gemiddeldjes opnoew bekeke en toen bleek det Hubke en Tjeu veul baeter gespeuldj haje asse opgegaeve haje. Det waas groeëte pech, want noew mos Tjeu 5 en Hubke 10 peuntje mieër gaon make. Daonaeve kreges ze as tiem ouch nog ins 10 strafpeuntje aanne bôks. Daag kampioensjappe, want vanne twieëdje plaats vloges ze noe nao de zèsdje. Dit alles kôs Hubke gein bal jeuke, want wiej der nog stoppebiljaar speuldje waas der ouch al veur gein gaat te vange. Biej de ieëst volgendje wèdstried leet der ziene tegestenjer



alweer ein poepie ruuëke, en won mèt ut groeëtste gemaak. Dao mot waal biej vertèldj waere det hae mèt sinterklaos eine noewe keu heet gekrege. Al haaj ut neet veul gesjildj of sinterklaos haaj dae keu neet mieër optied gatj. Lenie haaj de keu al ein paar dage thoeës. En Hubke môs zoeënuuëdig de daag veur sinterklaos nog effe gaon oefene, neteurlik mèt de noewe keu. "Bring hum waal mèt trök," waerdje hum nog op 't hert gedröktj. "Maak dich mer geine bang, as ich straks trök kom höb ich dae keu heus wal biej mich," zagts hubke nog. Sjenbaar kintj Lenie hubke baeter, want as Wim Hubke de keu neet haaj naogebacht, dan haaj dae goje sinterklaos mèt leeg henj gestange.....

## A.O.W.-discusiej.

Hoover Sjaak waas ins mèt ein paar angere aan 't bakkelyje euver de A.O.W. Diej angere beweerdjes det de A.O.W. te lieëg waas. dao waas Sjaak 't neet mèt ins. "Nae," haaj Sjaak gezagt, "de A.O.W. is neet te lieëg, mer de maondje dore altied zoeë verrèkdjes lang"!!!!.....





Veur al eur tegel-, grondj-  
Klinker- en sierwerk  
nao Wim

Wildjer get poote veur  
de seee....  
den nao Sjra of  
Linders heir.....



Veur ein verzekering,  
ein reis, geldj teveul  
of nuedig veur ein bank,  
nao de BANK.



Lies en lewie vonje sjarreleier toch lekkerder  
den eier ven ein batterie-kip. Der waerdje dus  
(wiej kan het ouch anges) zelf ein hok inein  
getummerdj. Omdat ze de familie j ouch wal get  
woeëje gunne, waerdje de kippe bie José van Miet  
gekocht. José bezörgdje die bestelling op eine  
zaoterdig, der waas der allewaal eine bie mèt  
ein fuitje, mer dae kreeg Tant gratis.

Lies kreeg mer neet genôg van heur hoonderhok  
en ging om de 10 minute kieke.

Zoeë ouch op zunjigmörge, ze haaj de ouge  
nauweliks ope of ze sting al aanne ren.

Laot mich toen ein kip al ein ei hōbbe gelagt  
det waas toch wal hiel get. De hieël buurt  
waerdje oppe huuëgdje gesteldj van het ieëste  
ei, en smiddes waerdje der opslaag mèt nao

John gegange. Dae merkdje hieël leuk op: "Jê, jê,  
det zal, gister gekrege en vandaag al opbringst,  
daalik is het nog ein gekookdj eike ônnog".

Lies waëdje toen toch wal get achterdochtig,  
en vroeg hieël benepe, kan det den neet.

Jê nae, zeet Lewie, wae hōbbe kippe en dit is  
het eike van ein kriel. Mer potver....., zagt

Lies, det is get van det lielik menke bie ôs  
naeve. Det deenk ich ouch, zagt John, det zal

Henri wal gedaon hōbbe. Wat John neet zagt waas,  
det hae det aan det lielik menke haaj

opgesteukdj.....





## De branjendje auto !

Idie (de mam van Pietje), mos rap ut dörp in veur boeëdsjappe. Daorum mer gauw de auto gepaktj. Ederein wètj det loupe baeter is, én veur ut milieu én veur de lijn, mer ein niesgaat det dao op lètj !

Idie zètj de auto op ziej in ut weegske bie de bekker en geit bie zien broor Jan nao binne. Opins keumtj Nel, zien sjoeënzöster, op hoeëg puuëj binne en zeet: "Ietje ich gluif det diene auto in brandj steit". Nel is nog neet oetgesproke of Marlie keumtj binnegestormd en sjrieëwtj: "Mam kom gauw want der keumtj allemaol rouk onger diene auto oet!"

Idie, zoeë snel 't kintj mèt de hieël femieliej achter zich aan, rentj nao boete en inderdaad de auto rouktj behuuërluk.

"Dao kroeëp ich neet mieër in," zeet Iet, en Jan mèn'tj ouch det 't onverantjwoordj is!!!


Idie rap weer nao binne en beltj in peniek nao hoeës om Nol te waarsjoewe. Dae springtj oppe fiets en haostj zich nao de plaats des onhiels. Dao aangekomme löptj hae om de auto haer en kieëktj ins onger de auto door.

"Kiektj ins nao 't hoeës vanne Bekker,"



grauweltj Nol, "woeë rouk is, is nog lang neet altied veur," en Nol kan det hieël good wete! "Wat zeetj gae toch 'n paar onnuuëzel hels," knootertj hae, "kiektj ins te gooj, want dae rouk keumtj vanne Bekker aaf."


Hae staptj weer op zien fietske en geit trök richting 'de Prairie'. Wat bleek noew ? Liesbeth waas gewuuën de was aan 't druuëge inne druuëgtrommel en omme stoum aaf te veure, zitjer onger inne moor aanne ziejgevel unne ruuëster, waat precies de rouk onger de auto door bloos !!!.....



## Recepsiejs bezeuke blieftj moeiluk.

Ouch dit jaor waas der weer eemes dae groof inne fout ging mèt ein recepsiej.

De noewe slechter van Ittervoort mos in Hunsel nao de recepsiej vanne E.H.B.O. Mer omdet hae ein waek te vreug ging sting der bie de köster oppe stoep. Wat Wiel mèt de köster vandoon heet, wètj gein mins mer de zoots 't ouch as klantjewerving kinne zeen.



Wisdjer al:

-det- djer tiedes de yoga-les fleenk kintj snürke onger ut slaope.


-det- Ron zien mam aan yoga duit!

## Ein slippertje.

Ein vrouw oet Ell waas zich thoes ins ein zuuver slipje aannet andaon. Wiej ze det slipje woeëj opruume, kosse het neet mier vinje.

Neet gepenniektj, dacht ze, det vinj ich straks waal weer. De laerskes aangedaon en op paad, want ze moste op bezeug. Biej het bezeug vônj diej vrouw det ein laerske toch waal get neep en deej het mer ins oet.

Ze heet zich toen mèt eine roeëje kop van sjaamdje ein botterhammetuutje gevraagd om ein voel slipje in te doen!!!!!!.....



Wisdjer al:

- det: Gontje regelmaotig noew leje aantrèktj veure sjötteriej.
- det: det de sjötteriej veul pekskes kosjtj.
- det: Christian ins mèt stomme zeiver tege Pietje zagt det, as hae Prins zoøj waere, hêt Prinses zoøj waere.
- det: wiej Christian hum profisiat winzje, Pietje hum dao aan hôlp herinnere.
- det: Christian toen neet wist waat het mos doen.
- det: het zien belofte toch heet gehaoje.
- det: nao de Prinseresepsiej't B.H.-bendje vanne Prinses waas gespronge.
- det: wae mer ein meneer koste bedinke wiej zoeëget kan.
- det: der volges Pietje nog ein anger meneer is.

- det: de B.H. weer mèt sloetspange gerepereerdj is gewore.
- det: het veurig jaor mètte Kwakel rônjdjbringe ze der bie ôze adjudant thoes ruzie om kregge.
- det: wae det sjoeën vinje.
- det: ôze adjudant det toen gewonne heet.
- det: hae zich mètte Kwakel oppe slaopkamer haaj opgeslote.
- det: oppe prinseresepsie in '87 de raod van Zwarbrook de envlop waas vergaete.
- det: dit ôze Raod, aan dae van Zwarbrook waas vergaete konsumsiejbonne oet te daele.
- det: dao ôngerling nog flink euver gevreiktj is.
- det: Sjaak van Luuk, vanne Raod van Zwarbrook niks maag zègke as de veurzitter zeek is.
- det: dees proleme op het prinsebal in Zwarbrook opgelosj zeen mèt ein ongerhandse akte.
- det: auch diej akte weer barzje vanne klein lètterkes.
- det: dao volgendj jaor waal weer euver gevreiktj zal waere.
- det: ôze adjudant, Harrie op het prinsebal in Zwarbrook de oeëre gewasse heet. (letterlik)
- det: oos Mia oppe broeleft van Geer in Baoxem mèt eine zate kop de iesummer mètjadje.
- det: bie de heropening van diezelfdje cefeej dae ummer mèt ei bleumke in trökgegaeve woort.
- det: Jan toen zagt detter al maonje zonne zelfdje ummer kwiet waas, mer neet inne gate haaj det het daezelfdje ummer woor.



Bindjer nog  
neet net  
genôg?

den nao

"JEANNE"


VEUR fieëste  
en kampieëste  
nao ôs  
gemeinsjapshoes



ELLENHOF

VEUR get sappigs

NAO MOORS EN  
KOPPEN



VEUR MEAL EN DE REST

**LLTB.**



DE  
WERK  
TUIGEN

wisdjer al:

- det: op het Prinsebal ein vanne dames vonj, dette Raod sjoeën noew blauw pekskes aanhaaj.
- det: ze neet inne gate haaj det in die pekskes de Raod van Zwarbrook zoot.
- det: Wim örges ein mankement aan eine woeënwege most gaon opknappe.
- det: hae die mevrouw begroedje mètte weurd: "Ich kom uch sjeur dichtmake."
- det: de sjutteriej het afgeloupe jaor de Aoje Limburger net neet gehoordj heet.
- det: ze det dit jaor weer gaon prebere.
- det: wae neet wiste det Pietje Prins woord wiej wae zien fietsavonjeur inne kwakel zatte.
- det: Nol zich rot sjrok wiejder huuërdje det Pietje Prins waas gewore. (neet wies, haaj der gezagt, neet wies)
- det: der van sjrik de 6 carambools diej der net gemaaktj haaj, bie Wim opteikendje.
- det: wae Larry hertelik bedanke veure stökskes diej wae van hüm hōbbe gekrege, euver watter bieje Tjeu zoeë-al veurgevalle is
- det: Jan biejekeumtj mèt afvalle.
- det: sommige aoj artieste, oet de archieve, de tied dae ze de afgeloupe jaore te weinig hōbbe gespeuldj, dit jaor oppe bōntje avondj in eine kier weer ingehoordj hōbbe!!!.....

Nao den tandarts mét trammelant.

Eine mins van Ell, dae zich op drij moneere kan verplaatse (trakter-brommer-fiets) waas 't aafgeloupe jaor drök bezig in zie böske mét 't oprume van brieëme. Het waas in het veurjaor, en om ein oor of tieën sveurmiddes reep zien vrouw hum heives. Hae dacht detter aanne telefoon môst kômme, mer het waas get anges. Hae môst om 11 ore bie den tandarts zeen om zien bieterkes te laote naokieke. Op ei keteer haajder zich gedouchtj, gesjore en get anges aan. Hae startj ziene brommer en reej weg. Zoeë ein drijhonger d maeter waasder op Wieërt aan toen de moter het leet aafwetë. Hae snel te voet mét de Zundapp heives, de boezjie sjoeëngemaaktj mer hae deej het nog neet. Toen de sproeier droet gehooldj en sjoeëngemaaktj, mer niks holp. Mét eine kwaoje kop goeëdjer de brômmer tege de moor (zien vrouw zacht nog "toe mér") hae pakdje ziene fiets en toen aant renne. Wae môtte der ieërlikheidshalve biezégke detter neet gewindj isvan örges te laat kômme. Hae haaj nog mer twintjig minute euver, dus dao woor ein flink tempo ingezatte. In Tungelder inne lieëg heij waas eine mins inne krotte aant sjoeffele en dae begos keihél te lache en wees mét eine vinger nao zie veurhuid.

De man van oos verhaol staptj vanne fiets aaf en luptj recht op dae boor aaf en zeet hieël erg haard en dudelik: "Desse lachst en mét eine vinger nao diene kop wiest, det is dien zaak, mer den môsse mich auch zegke woeërom!!". "Det zal ich dich ins zegke jông, ich bin ongerhandj seventjig jaor, mer ich hób nog noeëts eemes zeen fietse mét eine greune helm op, kéééé." Den helm woor aafgedaon en in ein plestiek kunstmésttoet achter oppe fiets gebônje en oze heldj van het verhaol waas nog nét oppen tied bie den tandarts. Dae maakdje hum ein kômpelement detter op ziene laeftied nog ei prachtig gebeet haaj.....



Wisdjer al:


- det: op het dörpssjöttersfieëst ins ein anger zéstal nummer ein is gewore. (mét 18 puntje)
- det: het Ells dialekt op radio Zuid good te verstaon waas, mer neet veur den "import."
- det: Annelies ein kaaköntstaeking heet gatj, mer det 't neet kwaam van 't kake.
- det: het "klupke" het veurig jaor in everal verklédj waas.
- det: zoeë eine everal lestig is asse nao 't huske môst, mer auch asse dig ins get gauw kwaod maakst.
- det: der eine noewe borebôndj kumtj tösse Ell en Hunsel.



Eine oetgekiendje fiets.

Cor diej geit geregeldj kiene en ze wintj mèt de regelmaat vanne klok. Laot hum noew pas geleje ouch nog eine fiets winne op 't kiene in Grathem. Det is der ouch nog eine mèt snieëbenj, volges Lies vanne Bekker.

Wiej Cor nao afloup mètte noewe fiets nao hoes toe môst, omdet Loes det deenk neet inne wage kreeg, waerdje der toch nog aarig get aafgevlooktj op 't kiencomiteej. Wiej Cor ouch keek en wiej ze ouch draejdje aan 't veurwiel,....gaen leecht!



Nonde..... zagt Cor, der zitj ein lamp op, in diej lamp zitj ein lempke, aan det lempke zitj eine draod, mer branje, ho maar. Loes haaj ongertösse ondèktj det de dienamo op 't achterwiel zoot, en haaj deze al stiekum inne wirkstandj gezatte. "Allê mam," zag Loes, "draej nog ins aan det raad." "Jê, det zal," zag Cor, "ich hōb al 25 kier gedraejdj." Mèt geuftj ze toch eine slinger aan 't wiel. En jaowaal huuër, dao keumtj mich toch ein spuit leecht van dae fiets desse der verblindj van wurst. Cor wist neet waat hum euverkwoom en wiej ze hieëlemaal verbouwereerdj op Ell aan trooj heet ze zich de hieële weeg aafgevraagd, wiej of det in godsnaam meugelik waas. Thoes hōbbe Loes en Gerry 't hum mer oetgelagt wiej ze biejkomme




★ ze zeen der nog  
Tjeu... Mien  
DRàààànk ✓

VEUR eur dagelikse  
boeëdsjappe  
nao FRANS + NELLIE



P. Custers  
RIJSCHOOL



VEUR EIN STERK  
DRENKSKE OF PILSKE  
SLIETERIE 'BACCHUS'



Ein biljaartiem oet Ell most op eine kier  
oet biljare in Wieërt.

Der waerdje dae kier beslote om mètte Daf 66  
van Jan te gaon. Dus Dafje in, nao Wieërt,  
Dafje oet. Dao inne cefeej aangekomme waerdje  
ein bietje geaojhoordj, ein bietje gebiljaardj,  
ein bietje gedrônke en ein bietje verlore.  
daonao tufdje ze weer op haeves aan.

Wiej ze bienao thoes wore vroeg Jos aan Jan,  
woerom detter zoeveul mèt slippendje koppeling  
riedj, want det zoj slecht zeen veure moter!!!

Wisdjer al:

- det: det Ietje biljare sjoëën vindj,  
waal mer eine kier, daonao geit het  
neet mier mèt.
- det: Paul 15 kilo mot aafvalle.
- det: asse te zwaor bis, eine neersteinvergruuzer  
neet wirktj.
- det: se den aaf mos valle (om en om de 15 kilo).
- det: vroluuj die gouw kwaod zeen ouch  
hieël gouw leef kinne zeen.
- det: volges Wiel, Annelies den wal hieël  
gouw leef mot kinne zeen!



Zunjigaovendj,..... Groeëte potte beer,  
`t kan haost neet op!

Maonjigmörge,..... duf,.... de hilst `t neet  
veur meugelik.

Dit alles euverkeumtj Pietje, de zoon van eine  
kastelein oet oos dörp, regelmaotig.

Mer Pietje mot toch edere maonjig weer gaon  
wirke, en det is in Wieërt. Ouch deze kieër.

Hae kruuptj toch mer weer op zien fietske  
en begintj mètte kop deep euver `t steur,

op Wieërt aan te traetje. Aan Hoover Kruuës  
keumtj hum eine angere fietser tege, en dae

haaj Pietje noew net neet gezeen. Dus gae  
kontj `t al raoje, PAAF, eine slaag en dao

ligke ze allebèj oppe grôndj. Pietje dae  
opslaag hieëlemaol nuchter is, springtj

drek op en buigtj zich euver zien slachtoffer.  
Och god, dao kriegtj hae ziene twieëdje sjrik,

`T is ome Tjeu, ein broor van zien mooder.  
Geuftj niks, zeet Pietje gans benepe, de koste

zeen neteurlik allemaol veur mich, ome Tjeu,  
ich zal de hieël sjaaj wal betale. Det is dich

geraoje, zagt Tjeu, want de fiets is op ein  
bitje nao total los. Gelökkig heet der emes

inne familiej dae van fietse make mieër  
verstandj heet den van friet bakke.....

De deur-bel.

Detter hieël get aafgeklusj weurdj in `t dörp bliektj waal. Ellie en Jan haje zich ein hoes gekocht oppe sebastiaanstraot. Dao môs zoeë `t ein en anger aan opgeknaptj waere.

Jan haaj waeke getummerdj, gezaegdj, verboedj, enfin num mer op. Binne waas `t den ouch manjifiek sjoeën gewore. Noew is dao naeve de veurdeur ein wendje met sjrootjes. Wiej Ellie diej ins haaj aafgewasse, vonj het detter toch mer noewe veur môte komme.

*Jan, ich gluij det der emes aanne veurdeur is, want ich huuër de bel neet!!*



Ze haaj ouch nog eine sjoeëne knop en ein sjoeën bel veur oppe veurdeur gezeen. As Jan noew ouch nog get aanne veurgevel zoj doon, den haaj de "Pannestert" der toch ein hieël sjoeën aanwinst bie, maendje ze. Good vrouw, zeet Jan, hool dich dae knop en diej bel mer, den hool ich diej sjrootjes wal. As ich diej den der op tummer, zal ich geliek de aansloeting veur de bel achter `t hout wegwirke. Zoeë gezagt, zoeë gedaon. De kaebelkes getrokke en de sjrootjes getummerdj en noew nog effe de bel aansloete en montere en weer waas der ein stökske renovasie klaor. Mer Jan dae alles aeve perfekt wiltj doon, haaj noew wal get te sekuur gewirktj.

De kaebelkes wore zoeë good wëggewirkt, detter niks bel mier aan te sloete veel. Aster det zoj wille môte de noewe sjrootjeswandj weer aafbraeke. Ellie heet noew waal ein sjoeën bel oppe deur, mer geluid,.....Ho maar.....

Erme vès.



Matje vreugtj aan Thijs: "Zègk, kins dich good onger water zwumme?"

"Jao," zeet Thijs, "woerom det?"

"Jê," zeet Matje, "konse den neet ins bie, ôs langskomme, want ich haaj gaer miene goudvès gedèktj....."



Wisdjer al:

- det: der mèt noewjaor dèk de bèste winse en ein goj gezondheid toegeweensj weurdj.
- det: det neet altied oetkeumtj.
- det: noewjaorsdaag minse zeen diej sterveszeek op béd ligge.
- det: Lies zich bie, nao altied kiplekker veultj.
- det: volges de dokters, zoepe slecht is veure gezôndheid.
- det: der mier aoj zoeplep rôndjlaope es aoj dokters.....





VeUR ei  
sjoeën bleumke  
of plentje  
nao Verhaag !

Hoie hè


VeUR ein lekker wörsje, lepke  
of sjiefke, nao  
ôze sklechter.....

Vörs van 't béd,  
ein lekker paddesteulke  
van Jo of Lowie .....

De doe het zelver.

Noe de sjilder toch stil is gaon laeve en ziene winkel heet opgedoektj, kan ich good zelf gaon klusse. Die meining haaj naober Jan.

In het verleje waas hae as zakeman verplichtj, mer noe koster good de vèrf in Wieërt gaon hole bie ein groeëte doe-het-zelf zaak. Dao waas het nog gojekouper ouch. Jan nao de stad en dao get gesjoemeldj tösse de vèrf. Lietjer dao noe zon rot bös oppe grôndj valle, ouch nog kepot neteurlik. Jan mèt eine kop zoeë roeëd wie die vèrf, ins stiekem gekeke of nemes hum gezeen haaj, begintj mèt get papeer en kertong dae troep snel biejein te vaege. Laot net op det moment, det zulse altied zeen, Eine mins oet Ell langskomme. Dae mins, zègk mer Wiel, is ouch neet op ziene môndj gevalle. Wiej der Jan zoeë bezig zaag, most hae neteurlik hieël gewuën zègke: "Dê Jan, ich wist neet des dich hiej wirkdjes om de vloere te sjildere." Waat Jan toen zag is neet gesjiktj om aafgedrôktj te waere inne kwakel, en det wiltj hieël get zègke.....





Cefeej op doktersrecept

HATSJ...WAF

Piet waas strontjverkaodj en Corine blaafdje ouch al as eine gekëttingdje hõndj. Oze Ellder jong dae dokter is, waas effe bieje Piet op bezoek. "Wacht," dacht Piet, "dit is mien kans op gratis doktersadvies." "Jê Piet," zegt Peter, "der is neet veul aan te daon aan zoe'n kaonj, ut einigste is werm haoje en veul drenke".

Corine det det ouch huuërdje en nog effe slummer doordacht dan Piet, wist drek wieje ze gaodkoup aan drengskes koste komme.

"Pap," zeet 't, "wae gaon nao Tjeu, laote oos volloupe, en lègge eder f 2,50 op ut buffet en zègge tege Tjeu: "Wae zeen hiej gewaestj op doktersrecept."

(Volges Tjeu vòltj hae nog neet onger de deenst mediese verzörging, ouch neet de alternatieve!)



Ietje en 't eutje !

José ('n eutje) zitj al eine hieële tied bieje Nol aan de bar en huuërdj Nol oppendoor nao Ietje raope. Zee is ut dao neet hieël mèt ins en maentj det Idie op gaen stökke nao zoeë stom is om Ietje genumdj te waere!!!.....



Vreikers.

Wiel beltj Sjeng op het prinsebal op en zeet detter vanoet de beugelklup in Lieëwe beltj. Hae woeëj gaer wete weem Prins waas gewore. Sjeng zeet hum giftig det aster te verkesechtig is om 5 gölje oet te gaeve aanne entree, hae hum auch neet zeet weem Prins is gewore. Det waas vreikeriej van Sjeng. Mer Wiel zoot neet in lieëwe mer 200 maeter wiejer bieje Kwasiëj-modoo en wist allang weem detter Prins waas gewore. Det waas vreikeriej van Wiel!!

Wisdjer al:



- det: Prins Pietje noewjaorsdaag bieje Kwasiëj-Modoo naeve Siebe in slaop waas gevalle. (soort burehulp)
- det: Prins Pietje auch kan slaope oppe vootsteun vannet buffet bieje Tjeu.
- det: wae der Pietje neet teveul door gerete hõbbe, mer waal genõg.
- det Pietje oos zelf gevraogdj heet, hum der neet tezieër door te riete.
- det: as Wiel, Sjeng en Harrie aant vreike zeen, vreemdje neet wete wat ze der mèt aan môtte.
- det: het ieëste vanne voebalklup gooj tasse heet gekrege van eine slechter oet

Itterv   rt.

Böl.



Twieë vröluuj op laeftied staon get mèt deindanger te zeivere. Neteurlik geit ut nörges anges euver as " dae van mich "! Zeet de ein : " Wiej geit `t mèt dae van dich ? " "O, hieël good en mèt dae van dich ? " "Haoj op, haoj op, löptjer ieëst tot zien 35ste achter eine voetbal aan, toen môs der zoeënuuëdig gaon tennisse en noe is hae 56 en wiltj mich dae flares gaon golfe." "Och," zeet diej anger, " de môs mer zoeë deenke, wiej aojer de zak, wiej kleiner de bö1."

Ingelse Belsj of Belzje Ingelsman ?

Christ ging ins op jaagt mèt ein stël van oos zuujerbure. Wiej ze good gejaagdj haje ginge ze der zich eine pakke bije Nol.

Christ dae gehuërdj haaj det ein van diej jaegers eine Sjot waas, vonj det wal leuk. Noew kôs hae teminste weer es laote huuëre det hae good Ingels kan kalle. Bije Nol vroeg der den ouch aan dae Sjot: " Do you like to drink a lemon from me ? " Woeëop dae mins zeet ( `t waas eine echte Sjot): "Christ van dich drink ich gaer ein glaas limenaat, en kal mer gewuën plat huuër, want ich woeën al 40 jaor in Belsj



As eur bieëstje get mankeerdj, götj den vlot nao ôs dierekliniek.

Zitte eur hoar neet good of inne weëg den nao Tiny



Last van eur veut, laotj uch den ins good bije de puiit pakke bije Ria Smolenaars.

Eur kiekjes groeët of klein bie John zeen ze allemaolaeve fein.

